

杭縣志稿

第七册

李仲選

題



杭縣志稿卷八 建築二 祠廟

東嶽廟 在西溪法華山宋乾道三年建嘉定十七年樞密使史彌遠請於朝重拓寶慶三年落成清咸豐十一年燬於亂同治十一年里人重建光緒元年災二年復建府志

一在湯鎮順濟宮側宋乾道間德壽宮行幸賜銀帛建五嶽樓淳祐三年重修見咸淳臨安志按今不存

一在塘棲清康熙初里人募建乾隆甲申重修唐志光緒末年里人重修新纂

一在肇和鄉金家渡名新東嶽廟

關帝廟 在法華山 宋紹興三十五年建 府志

一在喬司鎮清同治光緒間重建 府志

一在塘樓里仁橋明萬曆年里人周某創建 唐樓志

民國三十六年秋里人重修 新纂

一在仲聖清光緒十七年重修

火神殿一名明離宮 在塘樓建年無攷設於鎮之

北方取以水濟火之義乾隆庚辰羽士沈尚貞募

貲重建大殿

樓水  
文乘

民國三十年毀於倭寇

新纂

白龍王廟

在臨平東山龍洞側

咸淳臨安志

宋紹

興十四年重建 臨平記

黑龍王廟 在超山有水旱二洞嘉定八年禱雨感

應賜額曰通靈之祠先封慧應侯繼封宣濟侯淳

祐七年元旱禱雨感應加封昭慧龍祠 淳祐臨安志

相傳超山一洞有黑龍居之宋嘉定間趙忠獻宋

史獻作憲宰邑時禱雨屢驗為宋時祈雨之所 唐樓

志萬曆杭州府志作通靈廟清初兵燹之後僧庵

道觀又迭變更及清之季惟旱洞供有神像今移

奉乾元觀中 新纂

天曹廟 在留下祀漢餘杭令陳渾後唐長興二年

封太平靈衛王以瀾餘杭南湖通西溪水利民懷其德立廟祀之俗稱天曹神清雍正十三年重葺屬鷄為廟碑乾隆五十年重修孫嘉樂撰記府志

崇善廟

在皋亭山浙江通志祀昔杭州刺史陳頊錢塘縣志

咸淳臨安志頊仕東晉嘗使虜鷄留三年仗節不屈拔劍斫臂後命於朝卒葬皋亭山因廟焉純黌崇善廟記神姓陳諱頊字行嵩會稽人事東晉歷青揚荆廣四州刺史以武功食錢塘海鹽鹽官三邑見於李宗諤之圖經者如此梁大同二年敕封興善王後改封崇善王而失其時代歲月其見於衍之圖經者

如此隋僧真觀講於衆安寺夜夢神求受淨戒仍  
捨廟堂三間為神殿見於高僧傳者又如此爾後  
遂寢血食專供伊蒲塞饌見於白居易之祝詞者  
又如此碑板載神之事為多而怪誕不經適足以  
誣神今特據其可書者以傳信於天下後世云

按諸說皆不及為杭州刺史事

東嘉忠靖王廟 在臨平市西

臨平續記

宋濂溫忠靖王廟堂碑王姓溫名瓊字永清溫之  
平陽人父名望中明經甲科年耄無嗣與妻張道  
輝願於上帝一夕張夢神謂曰吾大火之精將降

胎為人張覺赤光被體中因有姪以唐長安二年  
五月五日午時生左腋有寔篆二十四右半之十  
四通五經百氏及老釋家言二十六舉進士不第  
乃拊几嘆曰吾生不能致君澤民死當為泰山神  
以除厲耳制三十六神符授人而亡蜀葉天師用  
其符崇除沴氣之為人災者彷彿見王遂皆祠王  
以祈靈嚮焉王初封翊靈昭武將軍正祐侯其曰  
正福顯應威烈忠靖王則宋李之累加也王之事  
行見於傳記者如此立碑述祀神緣起特詳附錄  
之

順濟龍王廟 在湯村鎮政和五年郡守李偃以湯

村叢門白石等處江潮侵噬奏請同兩浙運使劉

既濟措置用石版砌岸因建廟累封靈應昭應嘉

應三王廟址臨於海遂廢仁和縣志

午潮廟 在臨平市南祀伍子胥臨平續記

撒沙夫人廟

俗稱半山娘娘廟

在皋亭山半神世居仁和

齋出倪氏時值金兵避亂而殞里人憐其捐軀守

志瘞於皋亭山之半山金兵長驅康王奔逸夜夢

神曰王但前吾當助陣明日接戰忽狂風大作向

北揚沙金人目盡督宋兵鼓勇前進得斬無算高

宗即位首崇祀典敕封撒沙護國顯應半山娘娘

立廟塑像

胡世寧撒沙大人廟記

湖堽謀記云韓蕘王方拒敵夢神語以姓氏願助王威王臨陣有神鴉蔽天而至鼓翼飛沙敵騎目迷而敗王表其異因加敕封與此小異

咸淳志半山七娘子廟舊傳為崇善王妹不詳立廟始末考陳頊葬皋亭山梁封崇善王皋亭有崇善廟祀陳頊七娘子以王妹並祀於此或非無稽後又有倪氏女神之祀豈一廟流傳久而致異歟

府志

周宣靈王廟

在小林橫山

臨平續記

府志褚家塘有周宣靈王廟祀宋周雄嘉定四年  
立廟屢顯靈異進封王爵錢養廉周宣靈王像贊  
序神生於宋季憤胡元之亂銳志恢復抑鬱以致  
其忠誠積憤固宜於日月爭光云云是廟奉祀正  
同臨平續記

靈惠王廟

在考女北管下墟神姓謝諱達字明遠

宋徽宗時提舉淮浙避蔡京隱於石門嶺後後忠  
誠不泯建炎中金人至境聞空中金鼓聲旌旗震  
耀顯露謝公神號鄉民賴焉咸淳庚子元夕鄉人

夢神云今歲當大旱宜先濬井夏秋果旱得井灌  
田成熟自後旱潦祈禱輒應事聞賜額建廟清咸  
豐十一年燬於寇光緒初里人重建在金龍四大

王廟左

府志

金龍四大王廟 在孝女北管下墟祀宋謝緒神為  
謝達之孫行四生時嘗讀書金龍山宋亡死節為  
河神明封護國濟運金龍四大王清自順治至光  
緒累加封號為顯祐通濟昭靈效順廣利安民惠  
孚普運護國孚澤綏疆敷仁保康贊翊宣誠靈感  
輔化襄猷溥靖德庇錫祐溥祐四十四字咸豐末

寇亂廟就傾圮光緒二十一年重建神事蹟詳見

金龍四大王祠墓錄新纂參府志

一在塘樓東小河清道光初里人以大悲庵址改

建唐樓志

利濟侯廟即廣濟庵俗稱總管堂在塘樓長橋祀

金元七總管弘治間建以鎮橋梁樓水修橋陳守

清入都額請感動禁闈慈聖青宮敕賜無量壽佛

帑金御寶秘廣濟庵院北向有堂肅然為總管堂

周聖夫橋庵紀略萬曆癸卯燬僧顯林重建清康熙庚戌

又災僧定鏡宗聖里范秉仁重建乾隆戊子為都

火延燒乙丑重建悉經改作廣濟菴退進總管堂

擴充規模宏敞類編咸豐十年兵火盡燬唐樓志

光緒間後建民國二十年里人闢商場變為市廛

瘞像均移供南聖堂新纂

一在五杭橋北府志

楊和大王廟 在方興神為宋楊沂中紹興間賜名

存中宣和間山東河北群盜四起存中應募擊賊

大小二百餘戰屢建奇功宿衛出入四十年孝宗

常呼郡王而不名居鳳山十年葺園亭於湖山之

間今奉以為土神仁和縣志

申將軍廟 在臨平斗門橋北鄉民祈求田蠶相傳

為楚中明父白公作亂楚王命明伐之白公殺其

父後人為立祠

咸淳臨安志

廟有殘碑宋季人換謂為

申色胥鄉人於此祈禱輒應

咸化府志

咸淳咸化兩志說互異梁田庭立記聞云申明春

秋傳無其人明必鳴字之誤當是申鳴故稱將軍

非其父也申鳴事見韓詩外傳及說苑立節篇梁

說近是臨平記補遺德清俞樾曰申將軍廟相傳

祀楚大夫申色胥向疑楚臣不應立廟於此或即

伍子胥廟蓋臨平為錢塘江入海之處子胥潮神

國宜有廟。因伍子胥奔吳，吳與之申，故國語稱之曰申胥。遂訛為申邑胥耳。今見梁氏紀聞。知宋時已有中明父之稱。父者男子之美稱，不必疑嗚之父矣。府志

周絳侯廟 在臨平。晉建武元年，侯裔孫卓卜居臨平，鄉之大姓俞氏因即其地祠侯。建炎三年，金人犯境，鄉民環廟為柵以守，敵仰視旌旗蔽空，書曰：漢絳侯周皆羅拜遁去。自是靈異著聞，雨暘蝗疫，有禱必應。咸淳志

臨平記補遺俞樾曰：余寓居臨平久，絳侯祠已無

攷里人所報賽者尚有楚平王廟始疑楚平王何以廟食茲土以絳侯推之或亦楚亡之後其子孫有流寓於此者所立乎

曹王廟 在長樂鄉 光湖南金輿村相傳神為曹子建 咸淳志

曹將軍廟 在塘樓馬鞍山 民志瘡瘍者祈禱輒愈 唐樓志

一在小林茅山 臨平續記

周北謙曰愚意度宋曹彬有除掃瘡瘍之語而世俗以為能除疥癬而禱之及閱曹鼓園樓水文乘

云神係邑天開河人姓曹名濬吳越王之婿生前  
掌樓船五百號封揚海侯不知何故死而為神也

樓乘類編

英濟侯廟

在塘樓里仁橋南其來已久侯極威靈

自來興廢不一乾隆間重修侯宋時蕭山人姓張  
行六十五故稱張六五相公以習水起家生為義  
士歿為明神俗傳為唐張巡非

樓乘類編

咸豐初改為

靖江王廟竟誤為張巡旁列南雷二將軍像民國

二十五年冬廢為杭德汽車站

新纂

一在雲會鄉

名相公廟一在平徑鄉一在宏蟠鄉一在獨山均

名相公殿

奉王廟 在大雲鄉相傳神為晉毛寶廟其舊宅也  
廟之西有民田五百畝號奉王壩截於官之版籍  
及考之晉書毛寶傳宅在陽武放龜在武昌守郡  
城日與石季龍戰更與鹽官皆遠絕况奉王之稱  
傳亦不載今姑傳疑云咸淳志

蘇將軍廟 在肇元鄉錢氏建神為東晉驃騎將軍

蘇氏崇善王麾下

同工

義橋前後廟 在肇元鄉錢氏建神係崔總管評事

等咸淳志

尚將軍廟 在肇元鄉錢氏建更建炎兵火乾道間

再建 咸淳志

三聖閣

俗名八角亭

在塘樓跨塘橋西塔址康熙癸亥

創構閣三層上奉文昌武聖張仙下奉龍神乾隆

壬午颶風坍塌乙酉翠華重幸餘杭令蔡臨安令

嚴捐修

樓亭類編

年久後圯道光十六年里人重建

志光緒間重建款絀未竣工今夷為平地矣 新纂

五顯廟 在塘樓丁山俗稱廟山香火甚著清明前

一日傍晚男女乘舟而出謂之躲青避明競携牲

酒絲綉詣廟賽願以祈蠶馬明成化間建祀五顯

神清賜封號一曰顯聰昭聖孚仁福善王二曰顯  
明昭聖孚義福順王三曰顯正昭聖孚智福應王  
四曰顯直昭聖孚信福祐王五曰顯德昭聖孚愛  
福惠王封號皆有顯字因謂之五顯廟樓乘類編

半灘老人廟

在縣東北到縣二十七里

咸淳志

今仁

和縣境府志

城隍廟

在金佛寺

周振王廟

在錢塘崇化鄉觀山

咸淳志

玄壇廟

在塘棲思古橋左祀錢武肅王右祀文昌

武聖

新纂

水南廟

在塘樓

祀南宋福王妃

乾隆

妃殉節

莊圩洗馬池北土人建祠祀之四鄉各祀於社水

南廟在餘橋北水北廟在大河壩水西廟在庫橋

西水東廟在庫橋東

水西水北水東稱曰建興之

神

接里景物畧

廟始建不可攷康熙二十七年重修

蛟重修建興神祠序

王治墓建山門疏光緒二十五年民國十六年

均由里人興修

樓水文乘又宋福王與芮妃姓詹字玉珍泉州南

安人父彬官統制有戰功歿於陣遂入福王宮元

師入臨安福王隨恭帝北遷詹誓以身殉投井而

後年二十七鄉人感其忠節壘上為塋歲時祀之  
樓乘類編云王猷曰元兵至臨平福王隨駕航海  
而亡元兵焚掠王有二女投王沈潭死土人憐之  
葬於南山因名皇姑山屢著靈應里人鳴於當事  
長為水南土穀次為水北土穀云夫既有封典何  
稱建興所封何秩從未見聞當是偶有皇姑山而  
傳訛耳

大禹王廟

在五杭村相傳禹王巡會稽舟楫於此

乃渡江焉

樓里景  
物卷

本名禹航訛為五杭樓水  
文來今祀

為社神矣

臨平  
續記

青林廟 在青林村吉祥禪院側光緒志祀大禹為社

神五杭分廟也唐樓志

三分村廟 在塘樓三分村祀陳禹二大明王樓水

廟即永清院址卑尔康重修千佛閣疏乾隆二十一年僧履

祐里人陳國相重建咸豐十年燬於粵寇唐樓志

光緒二十年復建新纂

曹此曰大明王乃土穀神通稱非敕封謚法也陳

禹二王莫可稽攷或謂昔有陳仁陳義兄弟同死

於難里人感而祀之仁義陳禹土音相同故致訛

耳新纂

界河村土穀祠 在塘樓界河村俗呼師娘堂有魯

師娘無嗣捨宅為祠里人感之埽像於廟其墓即

在廟後

樓乘類編

師娘或作絲娘相傳善於繅絲蠶婦

每致禱焉

唐樓志

靈慈正廟

在西溪相傳昔有夫婦青糶賤糶慈濟

一方臨終同穿膝坐化宋乾道中季姓者建祠於

市杪為土穀神有行祠在白蕩灘故曰正廟

西溪志

南湖廟

在臨平南

臨平記再續

永寧社廟

在亭子村北

同上

洛陽社廟

在洛山東

南莊社廟 在峨嵋山南

南陽墩社廟 在南陽墩清同治十年重建

蔣相公廟 在河渚千斤池北廟三楹祀神曰宋三

殿蔣相公神名崇仁杭郡人廟之旁曰拈花室曰

水竹居

孫之驥南漳子  
下并同

按廟本在鹽場宋咸淳初賜額曰  
廣福茲蓋蔣氏苗裔私祀於鄉者

一方土穀祠 在西溪北祀護大明王之神

二方廟 在東嶽路北今廢

三方廟 在橋亭法華寺背相傳舊址在何家河口

因鼎新忽失正標迹之乃自植今屬衆感神異卜

遷焉祀神曰林府君德勝明王西溪百詠注建炎  
中兄弟五人朝典旌功廟食五處歲以四月二十  
九日為神誕獻享有常儀惟上元特盛祠有寢樓  
以居緇侶

四方廟 在大蘇林神曰明王勝王俗傳明王神力  
不逮勝王兼理之

五方廟 在石塢路左祀五大明王有古松一本可  
數十圍均同上

西陳廟 在南陽墩清同治十年重建



葛仙翁祠 在金佛寺西 府志地名葛墩光緒十一年

重建

新纂  
今為保國民學校

唐義士祠

在塘樓馬鞍山麓義士姓唐名珏為宋

遺民舊在紅粉溝後因市器移附思古橋立壇廟

光緒五年里人汪道生夏同聲及義士裔孫唐思

復等於放生池上建屋三間唐樓為風雨剝蝕將

就圮光緒末年復由汪夏二人遷今處祠宇一新

構仰止亭為德清俞樾書額新纂民國三十  
年為倭寇毀

張烈婦祠 在跨塘橋南張烈婦墓側祠祀烈婦張

佩蘭

乾隆  
府志

何公祠

在青林村土穀祠側

按里景  
物畧

宋知樞密院

事何十六郎諱宗一死於王事族八憫其忠祀像

於廟一日公命一舟至廟前偶失足墮水進廟久

之不出舟人索錢候於門外詢之曰有何十六郎

官人命舟至此族人怪之至像前見雙靴猶溼遂

割土穀院側以祀之

按水  
文乘

倪文僖文儀祠

在洛山前麓古松凌霄遠望若蒼

蓋然里人相傳以為宋本

圖書集成藏方典

三先生祠

在越山宋趙清獻刺杭州禱雨黑龍王

祠輒應繼有趙忠獻為勸農使禱雨亦應後丁方

伯養浩仰二趙之高風為建祠子之喬併奉方伯  
於中扁曰三先生祠圖書集成職方典今廢

卓戶部祠 在塘樓水溝弄口祀明戶部忠貞公敬

咸豐十年燬於匪

唐樓志

德勳祠 在塘樓東一里樓里景物畧呂水山需營德勳

書院於東皋院故址祠華亭徐公文貞呂澄募建三聖閣疏

改為德勳祠嘉靖丙寅吏部侍郎胡松作記兵部

侍郎劉畿立石胡松德勳祠記今廢

唐樓志德勳祠俗稱曰浮梁殿其始末未詳東皋

院亦無攷或東皋院即昔之浮梁殿殿樓里景物

畧謂萬曆中總督劉畿為徐相釐祀之所讀德勳  
祠碑記其言未可信仁和志謂民感呂需德乃建  
德勳書院以頌需則呂澄言水山公營德勳書院  
矣亦未可信

新纂

梅公祠 祀錢塘汎梅鳩宇向在塘樓汎著左側庚  
申之亂焚燬里人思梅公保障功亭鑄顏等相大  
佛寺燼像立圭春秋祀之墓在西園

唐樓志

寺觀 錢塘

古法華寺 在西溪東法華山下。東晉曇翼法師開

山。西溪百詠序明隆萬間。雲棲株宏以雲間鄭昭服所

捨園宅為常住。址在龍歸徑。約八畝。有奇。初號雲

棲別室。俗名鄭庵。崇禎癸酉秋。郡守龐承寵給額。

稱古法華寺。宣統府志

永興寺 在安樂山下。唐貞觀間。建悟明尊者開山。

石晉天福間。僧宣大章住此。釋法華經。宋鐵牛印。

禪師重葺。尋燬。明斷臂諸道者。建草庵。旋廢。萬曆

初。馮太史夢禎。新之手植綠萼梅二本。題其堂曰。

才異  
二  
雪

宣統  
府志

光明禪寺

在定山北西溪南唐顯慶元年高宗敕

賜光明禪寺明善導和尚說法開山正統十一年

忠辨重建

宣統  
府志

崇禎改元江雲叟復古中興金陵

俞中丞集生又建光明臺於寺右

西溪百詠序

報恩寺

在孝女北鄉唐穆宗時馮孝女捨宅為寺

長慶三年詔賜粟帛名寺報恩

神州古  
史攷

隆慶寺

在西溪西北同光山下後唐莊宗時送山

國一欽禪師中興緣畢全身葬於寺右釣臺上明

萬曆間黃學憲寺恢復崇禎間初窮子請石車次

忍先延惟一兩禪師繼振祖風

西溪百詠序

佛慧禪寺

在方井石晉天福七年普覺一禪師開

山為法華祖師道場宋紹興間益王府移請今額

明永樂重建正德間燬都督萬表為外護祇園法

師圓果請龍藏永鎮梵剎建閣修葺下院名圓通

菴在六寶村別院名白葉堂清宣統初重建

宣統府志

龍池寺

在定鄉社井塢後唐清泰二年建宋治平

二年改額澄寂院

咸寧志

集福寺

在分金嶺宋建隆元年建

悟空寺

在孝女南鄉龍門山建隆元年吳越王建

名龍門治平二年改此額建炎燬於其淳熙十二

年重建咸淳明石雨禪師卓錫於定鄉

識

彌陀寺

在定鄉象山乾德五年吳越王建大中祥

符中改額法性今廢為茶園時掘得柱礎瓦爐等

物定鄉

識

寶壽寺

在西溪崇嶺宋太平興國間特敕禪居賜

名光孝端平二年更名寶壽明正德元年無盡和

尚復興崇禎初雲門石雨禪師重開古塔光緒十

年重修

宣統府志參  
西溪百詠序

妙靜寺

在定山北大青嶺宋元祐中賜額明陽寺

建炎四年重建更名妙靜慶元六年元至正二十

五年明洪武六年皆重修久廢

宣統府志

東蓮寺 在崇化七都五圖宗時建萬曆三十五年

重建萬曆縣志

光嚴寺 在良渚山張循王府功德院嘉泰元年請

今額寧宗御書笑菴二字咸淳志

荀山寺 在良渚靈芝三都八圖元至順中建萬曆縣志

相傳荀子讀書處神州古史考今名太平寺奉荀為土

神新纂

東明寺 在安溪大遮山前萬曆縣志相傳建文帝

遜迹至此時旭日始旦題曰東明自歸國後方知  
為帝今苑其遺像有手植牡丹色如銀湖瑞

金蓮寺 在小和山

王安寺 在王安步原名永壽菴明正德間變於嘉

靖三十年里人翁某重建定鄉小識

趙山寺 在西溪東初名彌陀菴嘉靖間僧如性居

之萬曆中海雲構復長洲劉錫玄更名曰大蘇林

西溪梵 經始於天啟五年秋竣工於崇禎九年冬

吳本秦大  
蘇林研記

崇福寺 在良渚大雄山宋景定年間僧壽福初建

并藏經樓無量壽佛閣中奉四大經嗣學宏葺而

新之其梵典五千四十八卷

見任士林  
松鄉文集

清順治間

玉琳國師一名通琇禪宗臨濟正派卓錫於此遂

著開山之名雍正十一年賜龍藏全部咸豐辛酉

藏經樓燬光緒七年僧慧月赴京重請藏經

復建樓並於樓前建御碑亭

新纂

瓶窰有迴龍寺清同治間開果大師興建有大殿

大悲樓下為官堂又養老堂為靜修處房屋百四

十餘間僧侶約百餘禪宗叢林也抗戰時燬僅存

大殿

良渚大雄山有大雄寺

響山有真寂寺

寺觀

仁和

廣嚴寺

在臨平鎮西舊名華嚴院晉義熙十二年

建隋大業末燬唐初恢拓舊址唐開元中僧元覽

姓褚無量之弟請寺前平湖通洲為放生池會昌中燬大

中十二年厲士陸同芳瘡井得石函華嚴經六十

一卷遂捨宅為寺建塔以藏宋治平中改廣嚴寺

元至正末燬明洪武初重建二十四年立為叢林

正統十年重修

光緒府志  
嘉靖縣志

明因尼寺

在臨平鎮西南陳至德二年冬因鎮沈

為湖御史胡敏請建賜額隋大業中罹於兵燹唐

開元二十二年朔聖皇后賜金重修會昌中燬宋

治平元年重建崇寧四年徽宗賜額御書一十二字

皇后亦賜三十二字並揭於華嚴寶閣建炎初燬

邑人姚成出資繕葺元太師伯顏甥孫女撤八出

家於茲寺皇太后賜金三十斤再新明因寺記

大雲寺

在奉口唐貞觀間建

武林梵志

吉祥寺

舊在臨平唐神龍元年湖有光掘地得彌

勒石像乃建寺以像光為額且名其湖宋大中祥

符間改吉祥寺。明永樂十三年以潮水壞遷黃鶴

山之陽。

萬曆府志

嘉靖縣志吉祥寺舊在城內。宋淳熙十四年因建佛宇成。日有蓮花見東柱。居民異之。乾隆府志吉祥寺在永昌門外。舊在皋亭山。周顛德間建。宋紹興間請福安吉祥額。咸淳九年重建。均與此異。

安隱寺

在臨平山之南。唐宣宗時建。名永興院。後

唐清泰元年吳越王重建。名安平院。宋治平二年改今額。元至正末燬。復建。明洪武間立為叢林。以寂照菴。超山報恩圓滿院歸併之。永樂十三年重

修成化府志萬曆二十一年建禪堂宣統府志

梵天寺

在安仁東鄉芳梅村唐天祐元年吳越王

建名順天院宋治平二年改今額元末燬明洪武

十年復建併保慶院成化府志

雨化寺

在雨化山

顯義寺

在皋亭

大安寺

在小林鎮梁貞明二年吳越王建宋治平

元年改大慈元末燬明洪武初重建復名大安二

十四年併廣嚴寺

嘉靖縣志

永慶禪寺

在黃鶴山陽今稱龍居寺後唐清泰二

年吳越王建佛院宋建炎間名永慶元末燬明萬曆中重建臨平記

治平寺

在永和鄉今名四維唐天成間靈素法師建名

祥符宋治平間改今額元末燬明洪武十四年重

建

嘉靖縣志

民國三十年金剛殿被寇燬其大殿今設

康家橋保校

普寧寺

在大雲鄉姚巷村石晉天福間錢氏建宋

治平中改額淳熙間燬元初重建元末燬明洪武

十五年重建二十四年併崇聖寺

咸化府志

天順二年

敕賜金字大普寧禪寺扁後寺額僧絕萬曆戊子

吉祥寺僧真實重建延誦師葦航說法其中二十

餘年

武林梵志

今僅存大殿及僧寮數間大半為瓦礫

場矣有大牡丹極盛傳為于忠肅手植尚存

新纂

淨信寺

在桐扣山天福六年周璉捨宅建寺名恩

平宋治平間移請今額元末燬明洪武間遷建於

亭溪村二十四年併廣嚴寺

嘉靖縣志

興教寺

在翠亭山西天福間吳越錢氏建名興善

宋治平二年改今額元末燬明洪武間重建

光緒府志

徧福寺

在赤岸天福七年吳越王建名衆善宋治

平二年改今額慶元初重建元至正末燬明洪武

初重建立為叢林

城化府志

崇善寺

在安仁西鄉天福七年建名衆善宋治平

初改今額大觀三年燬建炎間重建元末燬明洪

武六年復建立為叢林

乾隆府志

福濟寺

在廉德鄉橫塘天福間朱可崇捨地建元

末燬明洪武初復建二十四年併白石寺

乾隆志

佛日淨慧寺

在黃鵠山陰天福七年吳越王建號

佛日院宋大中祥符元年改今額寺久圯明萬曆

間重建

光緒府志

慧日寺

在博陸邨舊在孤山晉開運元年吳越王

建名廣照宋大中祥符移建今處元末燬明洪武

中重建立為叢林

光緒府志

普濟寺 在大雲鄉獨山西宋治平二年建元末燬

明洪武初重建二十四年併崇聖寺

嘉靖縣志

清咸豐

間毀新纂

羅漢寺 在亭溪村宋政和三年築菴乾道四年移

請嘉會門外廢額元至正末燬明洪武初重建正

統間復葺清康熙十六年立為叢林

光緒府志

咸淳臨

安志晉天福三年吳越王建羅漢院於丁山不知

即此否

大平寺 舊名千佛宋祥符元年建治平四年改太

平定善院嘉泰年間後建永樂八年潮水衝決宣

德間遷岸亭山陽

嘉靖縣志

今住比丘尼

新纂

龍興寺

在臨平鎮宋宣和七年因東湖水溢建菴

鎮壓額曰妙華併建普同塔一紹興六年高宗南

渡以太后駕幸賜額龍興元季兵燬明洪武六年

後建二十四年併廣嚴寺

嘉靖縣志

顯寧永報禪寺

在黃鶴山真珠塢少宰劉正夫功

德院宋宣和五年賜是額

嘉靖縣志

大殿於清咸豐庚

辛間燬民國初僧空月及士紳發起興修至二十

年僧明道募資修造藏經樓擬重建大殿以抗戰

中輟新纂

天王寺

在博陸村宋紹興元年建名永寧菴淳祐

間重建四年法雨講主請敕賜額天王院元末燬

明洪武十五年重建名曰寺二十四年併慧日寺

成化府志  
武林梵志

崇先顯孝華嚴教寺

今誤為  
崇光寺

在皋亭山宋紹興十

九年建二十八年賜崇先顯孝禪寺為額嘉定十

二年改充華嚴教寺寧宗御書皋亭山三字及崇

先顯孝華嚴教寺八字以賜有桃花塢龍游洞雲

錦亭

域淳志

曹勛奉旨撰寺記

淳祐志

元末燬明洪武

十二年重建

嘉靖縣志

清光緒間里人林廣發等募修

新纂

西隱寺

在博陸村大河北宋乾道元年建元末燬

明洪武十四年重建

域化府志

寶巖寺

在義溪村宋乾道間全仁暉捨地建名寶

勝院治平中改今額建炎四年金虜犯境院燬而

大士殿獨存虜衆駭異遁去紹興間重建元末燬

明洪武初復建後併香積寺

嘉靖縣志  
乾隆府志

金佛寺

在豐稔鄉宋嘉泰元年建開禧間賜今額

元至正六年燬貫雲石書淨業碑額並燬明洪武

十四年重建二十四年併崇聖寺嘉靖志明末天王

殿燬新纂

崇聖書 在奉口宋淳熙間建元時燬明洪武間重

建立為叢林乾隆嘉靖縣志又有崇聖院在大雲

鄉宋乾道間建疑即此寺附以俟攷

顯忠寺 在豐稔鄉漳溪村宋嘉泰間建寧宗微行

見僧持誦問之答曰忠以事君祝壽常事稱旨賜

額元末燬明初重建立為叢林嘉靖縣志清嘉慶年

重修今為泉漳中心學校後進為鄉公所辦公處

杭縣志稿卷八

二五

新纂

月輪寺

在黃鶴山陽宋嘉泰四年建嘉定五年寧

宗御書普照二字元至正末燬明洪武十五年重

建

成化府志

真如福嚴寺

在義溪村宋韓蘄王捨地建寺元皇

慶二年皓禪師開山明洪武二十四年併崇興寺

嘉靖縣志

多福寺

在塔址鳩南宋時有多福寺多福塔寺廢

今皆為堰墓池沼

武林苑刊志

長壽寺

在大雲三峰山舊名留茨菴元大德間建

建明洪武二十四年併崇聖寺永樂間里人夏誠

重建移請長壽寺額

嘉靖縣志

今廢

福全寺

在豐稔鄉漳溪村元至元七年建元末燬

明洪武三年重建二十四年併顯忠寺

嘉靖縣志

圓教寺

在邱山之陽年久傾廢止存殿基二十八

畝方泉放生池安隱寺僧性美慧淵於明萬曆八

年重建

武林誌

菩薩寺

舊志皆作菩薩

在鼎湖西葡萄畝舊有葡萄寺經

數百年故址宛在明萬曆二十六年僧如顯募建

康熙縣志臨平鎮南五里許寺有鐵佛三尊皆丈六全

身又觀世音一尊有髭韋護是生像為所僅見清宣

統元年重建

臨平記再續

隆昌寺

在翠亭之陰葉正高募資重建

臨平記再續下同

興隆寺

在喬司東市

報恩寺

在亭溪村南里許

化壇寺

在亭溪村西里許並同上

清流寺

在塘樓初為觀音菴宋紹興間建明洪武

初併純

一院

康熙縣志

正德元年邵端峰沈廷器移博

陸慧日寺千佛閣於此有僧日期堂即名期堂菴

亦作祈堂

清順治初高繼聲捐資鼎新康熙初卓亮菴

重葺請天岳和尚駐錫定今額清流禪寺

樓里景物略

三十一年燬於火三十六年重建嘉慶二十三年

又燬道光中僧法緣募建

唐樓續補志略

咸豐十年粵

匪亂燬

唐樓志

民國初年重建抗戰後為軍隊駐紮

俱遭毀損

新葺

外有清流亭元至正年建亭內有清流泉久已亭

圮井湮矣

樓采類編

聖壽寺 在崇賢鄉建自前明民國六年僧德源重

建大殿

新葺

圓照寺 在天開河清順治間臨濟正宗節溪森開

山世祖賜名圓照雍正十一年奉旨重修御書法

輪宏轉扁額

浙江通志

東山寺

在超山排馬坑之北佛廬十餘椽四圍古

木森森亦一最勝蘭若也

唐樓志

玉喜寺

在超山巔明隆慶間卓明卿光祿以超山

為塘棲離方山形峻聳奉玄武以鎮之俗稱上聖

殿

樓水

清道光間住僧某修整大殿并創佛廬甃

砌石路行人便之

唐樓續補志略

同治五年僧惺覺重建

湘鄉楊石泉中丞額曰玉喜寺

唐樓志

吳世昌遊超山記超山上玄武殿名純一院考純

一院在博陸。或當時曾歸併。故亦沿其名。耶侯考。  
新纂

妙喜寺

在超山第一峰之中。亦供玄武。俗稱中聖。

殿。即種德禪林。咸豐十年四月初九夜被盜焚燬。

唐樓續補志略

同治四年僧明慧重建。德清俞曲園太史

額曰妙喜寺。唐樓志

半山寺

在超山龍洞之上。祀宋顯仁皇太后。舊志

作倪娘娘廟。非。

咸淳志報慈圓滿院。在超山陽。紹興初胡氏施山

園。僧法才募建。被旨奉顯仁皇太后本命。改賜今

顯山有海雲龍祠，禱雨多應云云。此寺祀顯仁皇

太后。又山有海雲龍祠，疑即此。新纂

報慈寺 在超山之陰，即大明堂內。供唐吳道子畫

大士像，刻於端溪石上。古梅百本，皆宋時所植。有

三友居、心齋、香海樓諸勝。唐樓環山二十里，皆梅

為一勝地。宋梅今僅存一本。民國十二年烏程周

慶雲建宋梅亭。二十二年寺燬於盜。二十六年僧

廣洲募建香海樓，而大殿則未能興復也。新纂

按大明堂之為報慈寺，不知其始。樓乘類編鄉寺

院內止載大明堂。清初沈有丁、吳世昌亦惟有大

明堂梅花詩報慈寺之稱大約始見於乾嘉人詩  
集今寺內無顯仁遺迹與海雲龍祠相距又遠似  
不能與潛志之報慈圓滿院牽連附會至故老傳  
言大明堂舊有三十六房如此大叢林宋明諸志  
何以遺之恐非確說

福聖院 在安樂山麓天福間吳越王建宋僧因本  
澄重興逸寺栽梅元末燬明萬曆中雲棲僧大善  
購址結茅三楹顏曰豁巢崇禎間改古福聖院宣統

府志

慈嚴院 在定山風水洞。晉太康間，葛稚川捨宅為

寺。唐上元間，賜額恩德。天成二年，吳越王重建。宋

太宗祥符二年，改今額。

宣統府志

上乘院 在西溪東梅花塢中。唐貞觀十九年，建。舊

名龍居。宋治平中，重建。改今額。有寂觀堂、明崇禎

初，郡城蓮居新伊退隱此菴，有書冊藏經、禪講學

人欲閱藏，請益者歸之。故有十餘靜室。附焉。

宣統府志

普寧院 在西溪南。欽賢定北界。唐開元中，僧定慧

建。蓋祝二鄉之請，謚也。

西溪梵隱記

清溪道院 在安樂山下。唐寶曆間，羽士費元貞開

山宋徐拱舉隱此同

崇真院 在西溪南石晉天福六年吳越王建名永

福宋治平二年改今額柵橋東有小崇真菴二院

俱與明崇禎間重建於溪南溪東

同上

寶相院 在定鄉葉婆橋東天福九年吳越王建廢

址土人呼為寶相基芝鄉小識

廣福院 在定山北開運二年吳越王建舊名寶福

宋熙寧元年改壽聖寶福紹興三十年改今額舊

有淵堂噴月泉

宣統府志

報光明覺院 在佛慧寺北宋建隆二年吳越王建

舊名報先。治平二年改今額。有虛心軒。諺云：千重靈隱，八百報先。蓋唐寺也。歲久傾潰。明萬曆間，萬鹿園募衆重建。寺僧恒如習天台教，四十年不出山。誦法華經六千餘部。同上

崇覺報親院

在定鄉鷓鴣嶺下。宋大觀三年少宰

劉正夫請為功德院。

定鄉識

定明院

在定鄉鯉魚山麓。建隆二年吳越王建舊

名界石，亦曰解頭寺。宋治平二年改是額。

同上

菩提別院 在西溪南建炎間郡城菩提寺僧建別

院於此

西溪百詠

龍歸院 宋紹興間帝幸洞霄宮過此因改清化寺

為龍歸院僧佛印禪誦之堂也明萬曆中廣陵僧

真一無用自補陀來購邱氏園基結菴厨有古井

味甘冽名菩薩泉初名西方菴改稱古龍歸院宣統

府志

南禪資福院 在鮑家田尼忠果開山紹興元年移

請此額景定五年更創佛殿

咸淳志

智果觀音院 在奉口端平元年移請今額

咸淳志

普慈院 在秦亭山嘉靖初建

宣統府志

法華律院 在西溪路北嘉靖中建里人金姓施地

俗呼金家菴 同上

室羅院 在佛慧寺下院圓通菴西北俗稱楊家菴

崇禎中僧海智築佛堂清順治寶壽法嗣紫仙藏

修有年 西溪梵隱志

淨業堂 即石筍禪院舊址

西溪梵隱志

在秦亭山為淨

性下院僧圓禮築地饒竹名萬竹淨業堂額曰香

光莊嚴 武林梵志

以上屬錢塘

大覺院 在芳林鄉唐元和二年建五代燬元至大

三年重建至正末燬明洪武十一年重建併昭化

一寺萬曆癸卯重建

宣統府志

壽寧院 在臨平山北塘唐咸通三年建名法昌宋淳

化三年改今額元大德間重建至正末燬洪武初

後建二十四年併廣嚴寺

嘉靖縣志

覺仁院 舊在湯鎮唐天寶三年建宋治平二年改

今額乾道時燬寶慶三年重建明洪武間立為叢

林永樂十四年江湖衝沒移建皋亭山

成化府志

廣慈尼院 在永和鄉唐中和四年建孝慈院宋治

平中改是額

嘉靖縣志

明覺院

在臨平佛日塢石晉天福三年吳越王建

號丁山羅漢院宋治平二年改今額元末重建明

初併佛慧寺嘉靖縣志

吉祥院

在青林村自晉義熙中惠遠法師始結茅

於此石晉天福五年高祖為古源清禪師建大殿

賜額福臻至宋紹定四年請是額咸淳三年節安

法師募修增建鐘鼓二樓淳安何熙之換記元末

燬明洪武十五年復構二十四年併顯忠寺嘉靖

間燬萬曆間重建

棲里景物略

興善院 在真珠塢天福八年吳越王建名積善宋

治平二年改是額

嘉靖縣志

廣安廣福院 在孤林村天福八年吳越文穆王建

名慶安宋熙寧元年改是額

嘉靖縣志

寶慶院 舊在湯鎮周顯德元年吳越王建名寶菴

宋治平二年改額元末燬明洪武二十四年立為

叢林永樂十四年江潮衝圮遷桐扣山下

嘉靖縣志

普安院 在大雲鄉周顯德四年吳越王建名安吳

塔院宋治平二年改是額

嘉靖縣志

永慶院 在永和鄉宋建隆年間建

嘉靖縣志

蓮華院 在臨平茅山下 宋建炎間建 元至正末燬

明洪武初重建 二十四年併歸于廣嚴寺

府志

崇恩院 在翠亭桃花塢 宋高宗賜崇恩顯義額 並

御製古詩五首 及東坡書墨竹賦 俱勒于石 明萬

曆間重建 清康熙丙午鼎新

乾隆府志

上塔伏虎院 在翠亭山 宋伏虎禪師塔院 清康熙

間重建

同上

中塔悟空禪院 在翠亭山 宋真歇了禪師建 紹興

初 賜號悟空塔 名靜照

武林志

慈隱院 在黃鶴山麓 俗名宋家巷 宋紹興間建 為

真歇了禪師道場。僧無為重建。今為蓮居下院。萬曆

府志

勝因顯報院 在永和鄉臨平山北。宋紹興二年。蔡

卞請為功德院。賜是額。嘉靖縣志

永慶齋院 在塘西三分村。武林梵志。宋紹興間。成化府志。延

法師創建。武林梵志。元末燬。明洪武初。後建。二十四年

併顯忠寺。成化府志。或云起於吳越王。俶時。正統間。僧

覺庵永方。師徒奮發重修。後因僧官居焉。故府志

載名。齋院。萬曆丁酉。燬。卓石峰羅葵菴。後興之。樓

類編。今遺址為三分村廟。唐樓志

龍華禪院

在孤林村宋紹興間建

嘉靖縣志

保江院

在豐稔鄉五杭村宋乾道間建元至元間

燬明洪武二十年重建併慧日寺

嘉靖縣志

無垢院

在大雲鄉宋淳熙元年建元至正間燬明

洪武初復建二十四年併崇聖寺

嘉靖縣志

慧覺院

在肇元鄉宋淳熙辛丑建嘉泰甲子請額

嘉靖縣志

資慶院

在豐稔鄉五杭村宋淳熙九年建元末燬

洪武初復建二十四年併慧日寺

嘉靖縣志

又塘樓西茶亭亦名資慶院初自宋建炎中至明

頽廢有僧覺庵如圓修葺而居

樓來類編

萬曆二十年

茶亭成又四年禪堂成里人胡休復等為倡導大

雄殿大士殿乃至放生池普同塔次第畢舉方伯

桐城吳公揭以資慶院故額

錢謙益重修資慶院記

咸豐辛

酉粵匪燬

唐樓志

光緒末重修

新纂

武林梵志云宋建

炎間創元末燬景泰三年重建嘉靖四十五年後

燬萬曆三十一年上院僧守廉清禪僧如圓移築

塘棲與此小異

永福院 在界亭山龍居鳩宋嘉定中請額淳祐中

重建為嗣秀王香火院

康熙縣志

純一院 在豐稔鄉博陸村。宋嘉定間建。元延祐中

重建。至正末燬。明洪武初復建。二十四年立為叢

林。

嘉靖縣志

明末燬。清順治十二年復建。

康熙縣志

寶慶院 在赤岸。宋嘉定間建。元末燬。明天順崇禎

間相繼修葺。

康熙縣志

妙果院

在赤岸。宋淳熙間請是額。

嘉靖縣志

崇覺院 在大溪村。元至正初建。十二年燬。明洪武

初重建。二十四年併崇聖寺。

嘉靖縣志

真覺院 在桃源嶺下。方升東。明嘉靖三十八年建。

武林梵志

普濟院 在塘樓俗名娘娘堂不詳所始明嘉靖間

有倭警火及於殿見白衣大士合堂演咒以是垣

堵無恙華亭袁福徵記

武林誌

萬曆初太宰張瀚自

泰山歸途有感育麟之慶塑元君像於此

樓里景物略

後頽落僧松泉重修清順治中住僧聖先充拓重

建

樓水  
文乘

歷康熙乾隆嘉慶間續有修建門額署曰

天后宮咸豐五年元旦燬於火

唐樓續補  
志畧

民國九

年僧靜修募貲重建新募

安慶院

在舉亭山明萬曆間建董其昌撰碑尋廢

清康熙間重建

光緒  
府志

大覺禪院

在塘樓倉橋北俗呼大佛寺清順治三

年里人朱文耀捨宅為寺時武林水壽禪院僧智

先於河渚募萬人緣塑丈六金身大佛三尊於殿

有佛無寺文耀夢感莊嚴迎像至樓延僧智先住

持樓木殿後方丈寢室客堂俱備寺後有隙地可

以種樓里藝樓里景樓里雍正以來住僧星散乾隆壬午里

人汪烈功祝髮住此額稱大佛寺樓木咸豐十年

粵匪燬尚存樓屋平屋十餘間由里人公議歸梅

公社祀產樓木

慧影禪院

在塘樓即東茶亭創始未詳順治間住

僧照若募建茶亭乾隆間僧皈源重葺

樓類編

道光

年圮咸豐七年清流寺僧覺海募建韋馱殿掘得

金宗禪師涅槃碑砌於壁將建大殿以兵亂止

唐樓

續補志卷

以上屬仁和

福慶菴 在安樂山前唐中和間性空和尚開山種

竹萬竿建菴竹叢中萬曆間雲間僧桂峰復建後

廢清康熙中重建毛奇齡撰碑記

宣統府志

永樂菴 在西溪西南森羅塢創自梁貞明間宋建

炎中後興

西溪梵隱志

紹興中有梵僧阿利真負經西

來隱此得道元末燬鄰有浩然院紹興間處士王

浩然隱處明萬曆間洪中丞延悅心禪師重建及

詢古志乃知是永樂菴址即後永樂菴額

西溪百詠序

兜率菴

在龍門山四頌坪

西溪百詠序

石左辟有小石

佛三尊乃傳大士宴坐處佛石僧結菴於此右洞

內有石儼然觀音像山頂有圓池有彌勒菴即理

安寺下院

武林  
梵志

交蘆菴

在曲水菴石即正等菴宋紹興中侍衛馬

軍司駐屯於此建屋以奉諸軍香火明萬曆初正等

寺僧如覺由龍歸隱此菴董宗伯題曰交蘆蓋

取根塵識三都無實性同於芟蘆之義亦以菴構

蘆中直名蘆菴崇禎改元具嗣性圓拓菴成院大

學士錢士升題額曰復古正等院道光間里人移

奉屬徵君鶚及其姪人朱月上木主於菴中同治

初重修南收張之萬補書菴額光緒間重葺旁建

堂仍奉厲鶚並增奉杭世駿栗主

宣統  
府志

秋雪菴

在西溪東蒹葭深處宋潼川節度使為資

壽巖禪師建別院於此原名大聖菴淳熙七年改

資壽院

咸淳  
志

明崇禎甲戌靈壽寺僧智一智洪駐

錫馬菴水周四隅蒹葭彌望花時如雪陳繼儒題

曰秋雪戊寅拓菴為院復古額曰資壽人仍以秋

雪名之

西溪梵  
隱志

民國九年冬高程周慶雲集資重

新於院後設兩浙詞人祠附祀宦游流寓共一千

四十四人

新纂

起菩薩菴

在西溪南淡竹坑寶慶三年宗起禪師

開建師有大德行，人稱為菩薩云。

西溪百詠序

春雪菴

在西溪西荆山嶺左，淳祐中，沙門熙春號

雪山結菴，靜攝有樂，靜堂徧種梅花。

西溪梵志

智勝菴

在秦亭山麓，明弘治間建。

西湖遊覽志

蓮花菴

在四方廟北，萬曆中陳氏建。

西溪梵志

永慶菴

在西溪直隴，萬曆間觀音橋南山寺僧建。

順治九年，雲棲別室僧修復之，同上。

慈覺菴

在秋雪菴東，萬曆中僧性禪構精舍，號省

菴，崇禎己卯僧智養母，其中雲棲古德法師為

改名慈覺，謂其孝行可方古慈覺法師云，同上。

報幼菴 在桃源嶺下方井東陸塚溪封公墓側其

嗣之逸之遇之遠倚廬處也梅竹相映溪山環繞

董文敏賞其幽勝為題

願宣統府志馬

玉池菴 在西溪塔隴內崇禎己卯僧供遠葺 同工

指華菴 在龍歸隴崇禎二年建 同工

曲水菴 在正等院左即古清化寺舊址明崇禎初

雲棲僧古德建闢水映竹長河縈達涯為放生池

同工

柏子菴 在定鄉柏子尖鳩中高踞半峰四山互翠

幽深峭蒨絕非人境

定鄉識

以上屬錢塘

寶月菴

在長樂鄉。後梁貞明元年建。明洪武中併

廣嚴寺

嘉靖縣志

顯忠菴

在黃鶴山陽。石晉天福七年吳越王建。元

末燬。明洪武初僧永安重建。

同上

杯渡菴

在博陸村。相傳吳越王時永明禪師建。與長

耳定光更相倡和。於此蓋師弘道證果在放生。故

以放生社會相沿。唐棲志

淨業菴

在康德鄉。即開化寺。宋治平三年蜀僧定

公建。明正德中燬。萬曆間僧無可結茅數椽。後有

里人捨地遂擴殿宇

康熙縣志

下塔月明菴

在皋亭山宋紹興間建僧清果塔院

元末燬明萬曆丙午重建崇禎間增置禪堂旁有

柳翠塔

康熙縣志

觀音菴

在豐稔鄉宋紹興間建明洪武間併純一

院正德九年里人邵銳沈廷器重建

嘉靖縣志

又在馬鞍山化城菴西有池一方古梅環繞梵修

最勝處清光緒十四年汪道生等經建彌勒殿亦

名西竺菴

唐樓志

化城菴

在塘棲馬鞍山宋淳祐元年建趙孟頫題

曰化城深處明洪武間併顯忠寺

光緒府志

寶林尼菴 在臨平鎮梅墅宋開慶元年建

嘉靖縣志

興化菴 在謝溪村西宋咸淳間建元末燬明洪武

十九年重建二十四年併香積寺

同上

月華菴 在長樂鄉臨平鎮宋咸淳九年俞氏捨宅

建元末燬明洪武初復建二十四年併廣嚴寺

咸化

府志

大圓菴 在永和鄉宋咸淳間建元末燬明洪武初

重建二十四年併顯忠寺

咸化府志

雍正間圮乾隆中

僧豁然重建

唐樓志

咸豐末燬光緒中里人重建

新纂

時思菴

在豐年鄉城溪村宋淳熙間建元末燬明

洪武六年重建二十四年併慧日寺

嘉靖縣志

聚秀菴

在超山南元延祐二年建元末燬明洪武

六年重建二十四年併顯忠寺

咸化府志

凝峰菴

在臨平元至元初建至正末燬明洪武三年

重建併廣嚴寺

同上

寂照菴

在臨平元至元間建明洪武間併安隱寺

同嘉靖府志  
作寂然菴

興福菴

在仲溪鎮元至正初建十六年燬明洪武

元年重建

同上

德雲菴 在塘樓界河村俗呼畫師菴元初里人李

誠建中峰禪師駐錫於此趙文敏相與往還扁曰

德雲菴有畫壁一堵今燬明天順間僧志詳莊嚴

造像清康熙年間鑑方和尚退大覺院居此唐樓志

慧林菴 在豐稔鄉明洪武二年建二十四年併純

一院成化府志

西向菴 在橫塘即無量壽院舊址明洪武初重建

萬曆中後修改今名康熙縣志

華嚴菴 在塘樓鎮跨塘橋明成化二十一年建成化

府志

法音菴

在翠亭山明萬曆初建

康熙縣志

觀音大悲菴

在銅扣王陵山頂萬曆十六年建

武林志

椰伽菴

在龍門口萬曆三十五年僧性月建

武林志

吉祥菴

在褚塢萬曆三十六年僧如林重建

同上

卧龍菴

在臨平萬曆三十九年建

臨平記

菴多怪石石下有龍床故名

泗水菴

在塘棲白樂山腰舊為尼菴弘治間四明

僧瑾與其徒誠相繼居此遂為僧居

唐棲志

綠野菴

在塘棲王庄基址初名陸家菴又名飯菴

萬曆間飯菴法師從杭州昭慶寺游廡樓上里人

信之即陸家巷居焉其後嗣澹雲妙觀益宏堂構

咸豐辛酉兵燬遺址併水南巷唐樓志

溥濟菴

在塘樓倉橋北舊為三元宮燬康熙

天啟間僧然明由福田寺來即三元宮舊址重建

為川圓菴繼有德宏澈宗用宗擴充之易今名樓

文

鎮水菴

在亭子村北臨平記

六觀菴

在塘樓白栗山陽明崇禎間僧恒光建日

久荒圮清乾隆乙丑里人姚某與僧敏中募貲重

建咸豐辛酉粵匪燬光緒年有畫家沈澄易羽服

即菴址建老君殿及廊房榜其門曰福清宮

唐樓志

新菴 即歸源室東塘樓資慶院東桑林曲徑池沼

環之洵幽邃處明末覺凡禪師募創邑侯岳鍾淑

罷官後嘗假廡於此見師戒行精嚴題室曰拈花

深處

唐樓志

天游菴 在塘樓界河未詳所始里人沈長宸供養

金陵素慥上人以祝母壽上人怡澹禪寂不出戶

庭閣內梅竹森然蒲團茗椀而已以沈故改名慈壽

清雍正間菴歸三昧菴為下院

唐樓志

三昧菴 在塘樓三分村清順治初豁堂禪師建道

光初亮菴上人來主方丈創建羅漢堂金剛殿署  
額曰三昧禪寺咸豐辛酉燬同上

范孝子菴 在皋亭山麓一名木石居清順治初里

人范文魁母病刲股以進即愈捐貲創建乾隆府志

如意菴 在塘樓大魚池東南順治十五年僧不迷

創建雍正四年僧覺朗大生建觀音殿乾隆三年

僧豁然充拓菴至左右池地道光年燬咸豐初里

人重建庚申兵燬光緒七年僧廣緣復建唐樓志

吉祥菴 又在塘樓趙家飛舊為邱氏家菴清康熙

間僧雨蒼駐此略事改觀其後得一苦募重建樓志

類編今佛殿外修竹夾道頗極幽靜新纂

真福宮

在仲墅宋宣和間仲氏捨宅為院興廢不

一明初有某僧供其名斷臂募建後遂意觀樓里

略民國十九年僧證覺重修中有雷祖殿谷名雷

殿新纂

景星觀

在臨平鎮宋紹興十年建原為東嶽行祠

馮熙二年改為景靈觀後作景星觀元至正末燬

明成化間重建嘉靖縣志

藏一話腴云景星觀有邱丹祠祠有丹爐

宋吳自牧之夢梁錄城內外宮觀一條云景星觀在臨平嶽祠之側可知景星本在宮觀之列初非嶽廟一統志景星觀在臨平山與東嶽行宮對峙以其附近遂併為一談耳

承天宮

在赤岸宋嘉泰中建寧宗御書承天宮三

字為額

嘉靖縣志

咸淳臨安志嘉泰作嘉熙為理宗年號縣志為是又御書祇承天二字無宮字

奉真觀

在塘棲俗名南聖堂明洪武間張真人題

曰顯教院弘治中里人充拓鼎新清康熙中里人

卓亮庵創修為溪上名勝。圮修不一。咸豐辛酉兵

燬

唐樓志

光緒間重修。民國初年改關岳祠。今為國

民學校

新纂

靈霄宮

在臨平山龍洞旁

臨平記再續

乾元觀

在超山。本宋時觀音菴址。明初菴廢。歸併

佛日寺。弘治間僧售於丁方伯。明之季丁又捨為

紫雲禪院。清順治間天童僧古峰來山募修。不知

何時改為道觀。每清明前鄉人祈蠶頗盛。蓋社廟

類也。近來遊觀者多。觀亦有新築。窗明几淨。龍王

及馬鞍山神像均移奉觀中。

以上屬仁和

神仙宮

在西溪宋御書神仙宮額黃冠十指至端

平間有女真魏無瑕築室退居於此今惟宮名存

馬

宣統  
府志

以上屬錢塘



冢墓

漢交趾太守姚俊墓 在臨平墳壇歷然鄉近時聞

鼓角之聲人不敢侵呼為桃司命冢乾隆按桃為

姚之誤辨見俞曲園茶香室三鈔新纂

晉刺史陳頊墓 在皋亭山下頊會稽人卒葬此山

因廟焉一統志

亞父冢 在皋亭山亞父陳重生有神異壽百餘而

終顯靈其地有禱皆應世傳為亞父冢咸淳志

唐

贈禮部尚書謚文渚無量墓 在臨平蘇頲撰神道

碑臨平

司勳員外郎杜牧墓 在南山東南與佛日山夾境

名杜牧塢有數古冢

咸淳志

神州古史攷云樊川自撰墓銘終于安仁里葬于少陵司馬村先塋是墓在西京此杜牧塢疑其出牧睦州及為湖州刺史時所經營之別塋也浙江通志列此于古蹟門其標題正作塢不作墓

孝女醜娘墓 錢唐孝女南鄉相傳有孝女唐醜娘

葬此故以唐墓名

咸淳志

馮孝女墓 在孝女北鄉報恩寺後山古城頭萬曆府志

吳越

民部尚書吳公約墓 在桐扣鄉羅隱撰神道碑

康熙

府志

給事羅隱墓 在定山鄉沈松換墓誌銘神州古史攷

宋

少師謚章簡元絳墓 在南蕩山咸淳志

都尉周邠待制周邦彥墓 並在南蕩山子孫今居

定山之北鄉同上

沈枯墓 在太平山錢塘縣志

強父憲淵明墓 在西溪欽賢鄉同上

郎中蔡準墓 準仙遊人官郎中宋詩紀事宣和中蔡京

葬其父準於臨平及京敗或謂此山為駱駝飲海

勢遂下本路遣匠鑿破之其地至今有開鑿之徑

癸辛  
雜志

左朝議大夫隴西縣開國子韋驥墓 在錢塘長壽

鄉

西湖  
志

少宰謚文憲劉正夫墓 在石姥山西北真珠塢

咸  
志

東京留守謚忠簡宗澤墓 在臨平鎮宗家橋

一統  
志

乾隆府志宗忠簡公歸葬于京口之岷山曾懋為  
文志墓此臨平鎮宗丞相墓相傳為忠簡公仁和

志亦有疑辭姑  
存傳聞之舊

趙鼎墓 在烏尖山陽

錢塘  
縣志

江淮浙西制置使劉錡墓 在寶山北鄉初賜功德

院額曰旌忠

咸淳志成化府志亦作劉錡萬曆府志改鄉王劉光世以後各志多循之

宣統府志依大清一統志正

敷文閣侍制柳約墓 約字元禮秀之華亭人登大

觀三年上舍第深於經術為學者所宗宣和七年

拜監祭御史靖康時兼權殿中侍御史嘗論不可

棄三鎮改尚書工部員外郎歷遷浙江兵馬都監

頗以忠勞召用郊恩對次侍制紹興十五年告老

卒遺命葬臨安諸子遂葬公西溪

周平園集

殿步帥謚襄恪趙密墓 在西溪欽賢鄉中興以戰

功顯嘗為殿步帥

咸淳志

密字少微太原人乾道初卒贈太傅

宋書本傳

武義大夫畢進子忠毅畢再過墓 並在西溪進兗州

人建炎間轉戰江淮積階武義大夫再過以恩補

官屢有戰功擢至武信軍節度使致仕卒謚忠毅

父子俱名將

錢塘縣志

太師平樂郡王韋淵墓 葬臨平崇先顯孝寺後

曹松

德集淵顯仁太后季弟建炎初遷親衛大夫寧州觀

察使太后將入境封郡王令逆于境上從歸即令

致仕賜第詔奉朝請卒贈太師

宋史外戚傳

趙汝愚墓

在西溪趙西塢

西漢百錄序

曾炎墓

炎字南仲，高州南豐人。隆興元年進士，知溫

州。慶元三年，召赴行在，轉官起居郎，兼刑部侍郎。

嘉定二年，以宗祀禮封曲阜縣國子，卒，葬欽賢鄉。

接鑰攻

魏集

封廣應侯，謝達及孫謝緒墓，俱在合龍山陽緒即

金龍四大王

康熙府志

少師謚文定，葛邲世墓，在五林港西南，世稱葛墩。

萬曆府志

義士陶菊隱墓

在洛山錢王潭左

陸樹本菊隱墓碑嘉

興人德祐末元兵南下，翁隱聞勤王之詔，散家財，

集義兵以拒元，謁文丞相于軍。宋亡，遺士流腐者

多依之時與趙孟頫澄稱秀州三義

浙江通志

趙王墓

在臨平鎮西八里黃山，不知何王。

杭州府志 鮮

于樞游記：宋宗屬恭憲王子令傑，宋史作傑官太僕子。

孫居臨平云：其裔至今尚存，所謂趙王，豈即恭憲

耶？

臨平記補遺

福王墓

在塘棲西南隅，名失改。

仁和县志

宋史：度宗紀

父嗣榮王與芮，理宗母弟也。咸淳三年八月與芮

進封福王。

杭州府志

六妃墓 在塘樓福王莊側宋有六妃子葬此浙江通志

凡六所因號此村曰六墓唐樓志

郭丞相墓 在塘樓東北隅未知何名仁和县志

鍾學士墓 在肇元鄉未詳何代何名同上

茂才范良表墓 在塘樓永思橋唐樓志

柳翠墓 在皋亭山有石碑書媿娜居士墓宋人筆

也見甲行日注  
上塔院

徐待制墓 在超山之北相傳為南宋時墓鄉人稱

徐墓灣同工

木娘墓 在良山門外太平鄉華林里蔡塘東里人

朝奉大夫通判瑞州蔡汝揆庶母沈氏卒汝揆尚幼父霖用浮屠法火之汝揆既入仕每傷無松楸之地言之輒泣刻木為母形具衣衾棺槨葬之鄉人呼為木娘墓

咸淳志

杭州府志引乾隆志云古墓相傳不著時代有志及神州古史攷列劉宋時舊府縣志又以汝揆列明代考友傳推其事已見咸淳志則非明人無疑謂在劉宋亦無徵也今據咸淳志列宋末

丁母家 丁蘭母死刻木事之如生家在姥山之東

一名桐扣山 咸淳志

郭北三山志云劉向孝子傳孫咸逸人傳俱云丁蘭河內野王人其母家者何由在杭全無可徵神州古史攷之丁母家者為其子刻木事母近于丁蘭順得之說即因蔡汝揆木娘事數衍也今亦附

宋末

元

湖南宣慰于九思墓 于節庵謙之父幼孤貧不能

詳其先世所知者黃鶴山先塋耳長閱黃文獻集

有于九思行狀乃知其先之貴

水東日記

處士陳伯通墓 在塘樓范家堡圩即花園墳

唐樓志

理問王蒙墓 王叔明住黃鶴山今其墓尚在山下

萬曆府志

皇姑墓 在臨平南明因寺東元太師巴巡甥女胡

漢

明因寺碑 作甥孫女薩巴碑作八葬此相沿以為皇姑墓云

和仁

縣志

上海縣主簿吳福孫墓 在西溪花塢黃潛墓志銘

耕樂處士許文泰墓 在荀山杭州府志

提領宋葵軒墓 在塘棲石目圩唐棲志

明

兵部尚書柴車墓 在大遮山之西原成化府志

刑部主憲張與墓 在塘棲永思橋唐棲志

明威將軍萬椿墓 在西溪安樂山萬潮換杭州府志

儒林郎呂仲伯墓 在塘棲清流寺側唐棲志

文學徐昇墓 在興福橋同上

處士徐毅墓 在塚下圩 同上

處士丁忠墓 在岡盤塢 同上

壽官范麟墓 在汪衙蕩 同上

徵士陳雍墓 在獨山東原 夏時正換銘 成化府志 雍父

士寧不事榮利人稱世隱父子俱葬獨山 兩浙名賢錄

吏部文選司周義墓 在塘棲審官壩 唐樓志

贈刑部郎中夏誠墓 在東峰之陽 成化府志 曹彝換墓

銘

滕縣知縣平顯墓 在洛山 嘉靖縣志

太僕少卿沈升墓 在半山碩家牌樓 兩浙名賢錄

安定處士胡迪墓 在黃鶴山夏節換墓志銘 武林文獻志

贈浙江都指揮使王瑛墓 在皋亭山 咸化府志

南大理寺卿夏時正墓 在三峰山楊守陞換神道

碑王鏊換墓志銘 杭州府志

太常寺少卿鄭璟墓 在欽賢鄉石壁山謝一夔換

墓志銘 嘉靖志

浙江都指揮僉事王佐墓 佐字廷輔永平遷安人

弘治改元授職赴兩浙備倭在浙凡十年以久涉

風濤感疾而卒葬定山之原 西湖志

太僕寺卿謚康僖邵銳墓 在超山蘭谿唐龍換墓

誌

嘉靖  
縣志

繁昌司訓沈文炳墓 在超山丁養浩換誌銘 唐樓志

屬士沈貞墓 在超山之陰丁養浩換誌銘 唐樓志

贈御史丁寧墓 在馬鞍山西丁養浩換墓表 同上

驃騎將軍陳九思墓 在小和山森羅塢 杭州府志

沈棲霞墓 在法華山 萬曆府志

贈刑部尚書洪有恒墓 在西溪子贈尚書新祔 杭州

府志

雲南布政使丁養浩墓 在超山陽 嘉靖縣志

南寧知府汪猷墓

在皋亭山

浙江通志

猷字惟賢弘治

壬戌進士歷官以清謹稱治尚簡安其所興革皆

關利弊扶善鋤惡人多賴之謝請托養士類其入

覲也南寧父老扶送有泣下者

沈朝宣  
拱傳

贈廣西布政司沈璋墓

在南山之陰丁養浩撰志

銘

唐樓志

贈工部右侍郎沈世寧墓

在安吉一園

杭州府志

廣西貴縣知縣夏美墓

在三峰山

武林文獻志

張瀚撰

誌銘

唐樓志

興化府同知馬迪墓

在臨平山

嘉靖縣志

贈江南布政使龔景鵬墓 在白巖山子贈江南布

政使應嶽樹

杭州府志

參軍闕廷詔墓 在秦亭山

乾隆府志

合州知州汪茂棠墓 在荆山

同上

刑部尚書謚襄惠洪鍾墓 在定北東穆塢蓮花山

王守仁撰墓誌 曾孫都御史瞻祖

杭州府志

袁州府推官陳方墓 方字以義 應天尹良器孫嘉

靖辛卯舉人 成都袁州二府推官 葬舉山原

仁和县志

新俞縣主簿都一元墓 在秦亭山 徐時俊撰志

武林

文獻 張瀚撰墓表

臨平志 再續

處士胡祺贈吏部右侍郎胡嵩墓 並在皋亭山東

赤土滙祺字先祥號研樂季父德無辜被逮走闕

下擊登聞鼓訴之得從末減由是義聲動鄉里嵩

字文昭號守約事父祺以孝稱以世寧貴贈官

杭州

府志

處士鄭孟紳墓 在石屏山

武林文獻志

太學生沈良墓 在南山蔡汝南撰墓志銘

唐樓志

工部侍郎陸杰墓 在半山有冬曹大臣石坊人呼

陸家牌樓杰字元望平湖人正德甲戌進士兵部

主事諫南巡廷杖官終工部侍郎

杭州府志

處士周易墓 在黃鶴山朱頂峰北麓杭州府志 李維禎

撰墓志

臨平記再續

鹿江通判周令德墓

在黃鶴山

杭州府志

令德海寧人

官南光祿署正有清直聲擢鹿江通判善政甚多

不勝瘴癘乞歸郡民為建生祠

海昌備志

舉人沈佩墓

在皋亭鄧墳村佩字子玉嘉靖丙午

中式不仕沈良之子沈存濟之孫也

唐按志

贈監察御史徐行可墓

在大滙山同上

都察院右副都御史胡心得墓

在安溪山同上

右副都御史謚忠惠鍾化民墓

在北陸同上

孝子王浩墓 在秦亭山陽吳鼎撰墓表杭州府志

贛州府通判郭廷佐墓 在秦亭山武林文獻志

徵士賈仲墓 在馬鞍山周詩撰志銘臨平志補遺

中書洪澄墓 在西溪阮家山西溪梵隱志

指揮使高達甫墓 在西溪康熙府志

判忻州事高應鵬墓 在北山欽噴里錢塘縣志

贈工部尚書許孚遠墓 在安溪女北四圍錢塘縣志

遠字孟中德清人嘉靖壬戌進士授南工部主事

累擢石僉都御史巡撫福建安輯海外撫定飢民  
入為南京大理寺卿應天府尹歷晉兵部左侍郎

卒贈南工部尚書謚恭簡

兩浙防  
護錄

鎮國將軍廣東參將萬廉甫墓 在安樂山陳銘華

撰墓志銘

西溪  
小志

中書舍人林奇墓

在西溪鍾山

武林木  
獻志

廣東布政使都事呂坤墓

在日暉山

唐樓  
志

鳴臚寺署丞呂需墓

在塘樓中派阜上

同上

廣西布政使司沈修墓

在洛山賴家橋

同上

監察御史徐彥登墓

在大遮山

同上

贈光祿典簿卓賢墓

在楊墳茅田塢

同上

處士柴應槐墓

在皋亭太師塢

杭州  
府志

沈桓墓

在皋亭山董其昌撰誌

同上

沈孝子墓

孝子沙村人其名不傳萬曆中江水暴

漲高丈餘母隨水漂去孝子號慟躍入洪流求母

明日于瓶窰鎮逆流上三十里遂沙村二人並死

矣里人駭異收葬之至今沙村傳有沈孝子墓

江浙

通志

山東巡撫宋應昌墓

在北高峰下

杭州府志

副都御史陳洪濛墓

在荆山萬曆間諭葬

錢塘縣志

祭酒馮夢禎墓

在西溪梅塢

康熙府志

吏部員外郎虞淳熙墓

通志載墓在雷峰掘墓誌

實在西溪七十二賢峰下其所居則在雷峰也

西湖

志

錦衣江元禔墓

在上峰山

仁和志

副都御史贈尚書陳祖苞墓

在黃鶴山

康熙志

祖苞

海寧人萬曆癸丑進士由崑山知縣累遷至右副

都御史

海昌志

晚年構精舍額曰斐菴又嘗自號黃

鶴山樵既卒卜地於此

仁和縣志

浙江都司經歷戴一美墓

在翠亭山

杭州志

德府典儀張鷟墓

在塘棲水南廟東

唐樓志

知代州贈吏部尚書黃思道子參政贈吏部尚書克

讓墓 俱在北高峰下

浙江通志

工部員外郎卓尔康墓 在皋亭山

唐樓志錢謙益墓志銘

處士王福山墓 在塘棲日暉橋

同上

處士吉必昌墓 在汪衙蕩

同上

知縣陸運昌墓 在青龍山

康熙府志

大理寺少卿陳潛夫墓 在荆山

錢塘縣志

贈恭安知州許龜年墓 在青龍山

吳鼎撰墓志 杭州

府志

長史袁自謙墓 在碧峰山

同上

贈太傅謚文肅朱國禎墓 在南純山

國禎字文寧

烏程人萬曆己丑進士累官至首輔天啟四年為

逆黨李蕃所劾三疏引疾歸崇禎五年卒

唐棲志

南唐知府錢喜起墓 在劉墳村

康熙府志

處士沈謙墓 在臨平山西毛先舒撰墓誌銘

郭北三山

志

烈婦張佩蘭墓 在塘棲跨塘橋

唐棲志

貞女吳柏舟墓 在永泰里渡船橋

同上

清

封監察御史顧大觀墓 在皋亭山道有石坊

仁和志

處士沈蘭先墓 在皋亭山

康熙府志

處士胡介墓 在佛日山右

同上

處士徐士俊墓 在大發墩

唐樓志

處士徐孝直墓 在大發墩

同上

處士張勿墓 在超山接壩橋

同上

左春坊卓葵墓 在楊墳計籌山

同上

推官洪吉臣墓 在橫山桐塢

錢塘縣志

處士應搗謙墓 在孝女北鄉角頭灣石嶺

浙江通志

鄉小識云在橫山

兵部侍郎項景襄墓 在北高峰下

杭州府志

吏部尚書謚文敬徐潮墓 在小和山

浙江通志

漕運總督益清猷徐旭齡墓 在荆山杭州府志

屬士陳祚明墓 在西溪鮮于山錢塘縣志

左都御史吳涵墓 在皋亭山佛日塢浙江通志

贈翰林院庶吉士姚昌墓 在超山杭州府志

光祿寺卿龔佳育墓 在青龍山同上

封按察僉事錢瓚墓 在皋亭山下仁和縣志

舉人柴世堯墓 在龍池墩西南當春月桃花爛漫

杭人出遊半山者每向柴墳停棧同上

孝子查魏旭墓 在皋亭山麓浙江通志

屬士沈學曾墓 在橫山箬帽峰乾隆府志

明經章士斐墓 在青龍山

乾隆府志

薦舉博學鴻詞舉人厲鶚墓 在西溪王家塢

杭州府志

贈通政大夫姚之棟墓 在荆山

同上

監察御史龔翔麟墓 在白巖

同上

廣東布政使柴望墓 在西溪大嶺側

同上

孝廉汪坤墓 在小方井子文學補耐

同上

太保大學士謚文莊梁詩正墓 在橫山土名象山

同上

處士許曰瓏墓 在西溪安樂山

同上

刑部侍郎陳論墓 在皋亭山由海寧善提山遷葬

同上

贈中憲大夫陳世倬墓 在桐扣嶺陳村 同上

封朝議大夫趙聖善墓 在鉢盂潭 同上

貴州學政翰林院編修萬經墓 在西溪安樂山大

學士徐本撰誌子知縣承天祔 同上

太僕寺少卿程壽墓 在佛日山 同上

貴州布政使蔡錦彪墓 在白蕩村 同上

贈太子太保戶部尚書謚文莊王際華墓 在東穆

塢蓮花山 同上

翰林院編修杭世駿墓 在留下大馬山應澧撰誌

銘 同上

國子監祭酒吳錫麒墓 在西溪大青嶺 同上

唐樓駐防梅公墓 在塘樓廣濟院後梅公名鴻宇

奉天人康熙十五年夏為剃土寇被害里人厝骸

於此乾隆丙子冬里人夏廷焯等培土樹碣 唐樓志

刺史周天度墓 在塘樓 同上

主事錢杜墓 在留下金家山 杭州府志

刑部員外郎順天府治中許學范墓 在青龍山 同上

湖北巡撫加總督銜謚勤僖汪新墓 在留下萬家

山 同上

刑部左侍郎韓文綺墓 在小和山同上

河南布政使陸言墓 在留下玉屏山同上

河南巡撫姚祖同墓 在橫山裏桐塢同上

禮部左侍郎關槐墓 在龍駒塢同上

禮部尚書謚文恭龔定正墓 在留下九滌沙同上

中書銜六品頂戴張塗墓 在皋亭山唐樓志

國子監助教宋大樽墓 在落水樹榭埭子桐鄉教

諭咸熙祠同上

甘肅隴西知縣宋肇昌墓 在秀才河肇昌殉難所

葬衣冠同上

出使琉球貴州貴東道高人鑿墓 在東嶽金魚井

杭州府志

戶部尚書陝甘總督謚文忠沈兆霖墓 在西溪挂

榜山同上

安徽歙縣知縣勞逢源墓 在東塘白潭裏

唐樓志

江蘇新陽知縣凌彬墓 在石目港

同上

雲貴總督吳振械墓 在上步嶺將軍山

杭州府志

孝廉姚六吉墓 在管山

唐樓志

文學韓應潮墓 在界河南莊村

先塋同上

鹽提舉夏澄千墓 在八角亭南首

同上

贈大理寺卿朱以泰墓 在塘棲鴨頭橋

唐樓志

孝廉歸真墓 在甌山采

同上

國子監典簿夏之城墓 在馬鞍山

同上

孝廉唐人鑑墓 在馬鞍山

同上

翰林院修撰侍讀學士鍾駿聲墓 在法華山新涼

亭

杭州府志下同

吏部石侍郎夏同善墓 在大青嶺

福建候補道胡光墉墓 在荆山

兵部右侍郎朱智墓 在朱橋

兵部尚書謚恭慎許庚身墓 在茅草山

贈江蘇補同知府魏錫曾墓 在橫山

贈太保武英殿大學士益文勤王文韶墓 在小和

山

沈秉成墓 在南山

貞女高大姑墓 在五杭樓水高宏芳之女字五杭

尤士倫

唐樓志

貞女卓董氏墓 在水一方舅姑墓側烏程董昭度

之女字塘樓卓右箴未婚而右箴歿女矢志歸卓

字貞親築壙塚與夫合穴

同上

貞女陶柔德墓 在界河朝陽澗女名坤臨平陶廣

齡女聘夫沈帝簡政作詩自誓歸沈事姑以孝聞

自造墓樹碣

同上

節婦金孺人墓 在奉亭山黃宗羲撰誌銘 析墓

木男 二 禾 老

二

義塚

天池寺義烈墓 在定北四圍同治二年布政使蔣

益澧統師由富陽圍攻省垣時暴骨遍野經官紳

士民捐資收葬天池寺東七年二月巡撫馬新貽

奏請將天池寺山場及白沙嶺兩屬義烈家墓附

入祀典建祠後移同善堂救生局至祠經營

光緒  
府志

潛山洞義烈墓 在安吉二圖河埠白沙塢咸豐十

年居民避寇洞內寇積薪洞口日夕薰灼死者三

十人因合葬焉同治七年馬新貽附天池寺案奏

請列入祀典

光緒  
府志

漏澤園 凡五所在錢塘門外護國寺傍者一在金

字牌坊側者一在萬松嶺者二在慶樂園者一宋

崇寧三年詔諸州置明洪武三年奉旨仿宋制設

義冢萬曆三十年增置義冢十四畝三十五年又置

義冢于青芝塢

乾隆府志  
萬曆縣志

會保六圖義地 巡撫黃叔琳捐置

光緒府志引仁  
和縣志下並同

清泰門外會保區藍家場老義塚地

武林門外一都十六圖平倉義地

太平八圖義地

臨江十一圖義地

似蘭區井園義地

漏澤園義地

梵天寺義地

太平回圖義地

似蘭區西有所歸義地

鳳山門外潘家園義地

太平回圖薛婆澆義地

似蘭區糞箕兜義地

趙弼園義地

李子園義地

普同塔義地

顧家園義地

東有所義地

徐家園義地

似蘭區土山義地

廣孝許義地

老義塚地

梵天寺義地

會保四圍義地

謝村三都七圍城頭義地

會保六圖義地乾隆元年捐置

太平二圖義地乾隆元年捐置

二十都七圖折田義塚 置海防廳胡啟明捐置

似蘭區荒山義塚 士民朱遠平捐置

艮山門外義地 貢生夏綸捐置

一都五圖義地 沈王氏捐置

報國寺前土山義地 里民余程九等捐置

鳳山門外萬松嶺義地 進士汪大亨等捐置

二都一圖義地 乾隆三十五年奉文作義地

太平五圖義地 乾隆三十九年職員陳廷熒監生

俞諫胡瀛捐置

蒲場巷義冢 葬咸豐辛酉殉難居民後同善堂為  
之封土成塚宣統二年後始募南山義烈遺所嵌  
置牆壁以示方來

光緒  
府志